



Múte B. Egede
Inatsisartuni ilaasortaq, Inuit Ataqtigiit

§ 37 naapertorlugu apeqquteqaatit, - timersorneq aamma kulturi pillugit

09-07-2018
Sagsnr. 2018-13583
Dok. nr.
Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Múte B. Egede

Qujanaq apeqqtinnut, Inatsisartut suleriaasiat naapertorlugu saqummiussannut. Taakkua uani ataani akissuteqarfigissavakka.

Apeqqut 1: Naalakkersuisut timersornermut aningaasaliissutaasartut qaffanneqarnissaanik pilersaaruteqarpat?

Akissut: Kalaallit Nunaanni Timersoqatigiit Kattuffiat (GIF) aamma Elite Sport Greenland (ESG) Aningaasanut Inatsimmi konto pingaarneq 40.94.13 - Timersornermut tapiissutit 8,4 mio. kr.-init aamma konto pingaarnermiit 40.91.21 Danske Spil A/S-imi kaaviiartitanit Nunatta pisasaanit tapiissutiniit katillugit 20,5 mio. kr.-init tapiiffigineqartarpoq. Ukiuni kingullerni tallimani tapiissutit ataatsimoortillugit qaffassimapput 23,3 mio. kr.-iniit 28,9 mio. kr.-inut. Tassalu qaffariaat 24 %-iulluni.

Tapiissutit allaffissornikkut aningaasartuutininut, sulisunik, aqutsisunik ilitersuisunillu ilinniartitsinernut, siunnersortit aningaasarsiaqartitaanerannut angalanerinullu, immikkut Timersoqatigiiffiit kattuffiit kiisalu nunani tamalaani katersuuteqatigiittarnernut suleqatigiinnernullu, tassunga ilanngullugu Arctic Winter Gamesimi kulturikkut timersornikkullu sammisanut peqataanernut tunngaviumik tapiissutit tunniunneqartarput. Aammattaaq ukiumut 5 mio. kr.-inik konto pingaarneq 84.40.14 Kulturimut timersornermullu atatillugu sanaartorneq-mi illorsuit timersortarfiit iluarsaanneqarnissaasa tapiiffigineqarnissaannut aningaasaliissuteqarpoq.

Nammineq piumassutsimik sullissisarneq aamma timersornermut soqutiginninneq nunatsinni timersornermi tamarmi aalajangiisuuvoq. Taamaattumik Naalakkersuisut isumaqarput pingaaruteqartoq nammineq piumassutsimik suliamik ingerlatsisut, soorlu sungiusaasut aamma aqutsisuusut akornanni piumassutsip suli nukittorsarneqarnissaa pingaaruteqartuuvoq, tamannalu qularnaarneqartassasoq aningaasaliissutit timersornermut GIF-ip immikkut kattuffinnut ataasiakkaanut ingerlateqqittagaasigut. Naalakkersuisut

iluarisimaarpaat maanna aningaasaliissutaasartut iluanni timersornermi angusarineqartartut.

Apeqqut 2: Naalakkersuisut nunatsinni timersornerup suli siuarsarnerunissaanut siammarnerunissaanullu sinaakkusiornissaminnut qanoq pilersaaruteqarpat?

Akissut: Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq (timersornermut inatsit) aalajangersaavoq inatsisitigut killiliussanik timersornermut aamma timigissarnermut. Tassanilu ilaatigut ersilluni kommunit Naalakkersuisullu suliassat sorliit akisussaaffigalugillu suliassaqarfigineraat.

Timersornermut inatsit tunngavingalugu Naalakkersuisut ukiunut sisamanut naammassisassanut isumaqatigiisummik timersornermi kattuffinnut arlariinnut, GIF-imut aamma ESG-mut isumaqatigiissusiortarpoq, tassanilu illuatungeriit ingerlatsinissanut naatsorsuutigisaat, tassani aamma naammassisassatut piunasaqaatit, nalunaarusiortarnermut aammalu naatsorsuusiortarnermut piunasaqaatit aalajangersarneqartarlutik. 2017-imi GIF aamma Naalakkersuisut isumaqatigiipput sulissutigineqassasoq innuttaasut amerlanerusut aallussisuussasut, ilaatigut ilinniartitsisunngorniarlutik ilinniagaqartunut piginnaasatigut ineriartortitsisarnermik neqerooruteqarnikkut.

Apeqqut 3: Naalakkersuisut Nunatsinni Timersoqatigiiffiit Kattuffiat suleqatigalugu ukioqatigiiaanut tamanut timersornerup annertusarnissaanik pilersaarusiortarlunilu periusissiornerunissaaninnut piareersimappat?

Akissut: GIF periusissiamik suliaqarsimavoq piffissamut 2015-2019, tassanilu ersippoq sulissutigineqassasoq innuttaasut tamarmik neqeroorfigineqarnissaat soqutiginnilersinniarneqarnissaallu timersornermi ingerlatsisarnissamik, qanoq ukioqarneq, suaassuseqarneq imaluunniit tunuliaqutaqarneq apeqqutaatinnaq.

Apeqqut 4: Naalakkersuisut kulturilerinermut aningaasaliissutaasartut qaffanneqarnissaanik pilersaaruteqarpat?

Akissut: Aningaasanut inatsisissamut siunnersuutip 2018-ip pingajussaaneerpeqarneq Inatsisartut aalajangerput kulturimik ingerlatsinermut aningaasaliissutit qaffanneqassasut, tamatumani aamma aningaasaliissutit klubbinut timersornermik ingerlatsisunut kulturikkut suliniutinik ingerlatsinernut matussutissanik qinnuteqarsinnaalersinneqarlutik. Kulturikkut suliassaqarfimmut aningaasaliissutit katillugit 6,5 mio. kr.-inik qaffanneqarput.

Apeqqut 5: Naalakkersuisut nunatsinni Eqqumiitsuliortut Pinngorartitsisullu Ingerlatsisullu kattuffiat suleqatigalugit nunatsinni kulturilerinermik sammisassaqartitsinerit annertusarnissaanik pilersaarusiortarlunilu periusissiornerunissaaninnut piareersimappat?

Akissut: Eqqumiitsuliornikkut Pinngorartitsisut Ingerlatsisullu kattuffiuvoq nutaajungaatsisarpoq, ukiunilu kingullerni ineriartungaatsiarsimalluni. Ilinniartitaanermut, Kultureqarnermut Ilageeqarnermullu Naalackersuisoqarfiup akuttunngitsumik kattuffik oqaloqatigisarpaa. Suliamik aallartitsisoqarsimavoq nalilersuinissamik siunertaqartumik qanoq aaqqissuussinikkut kattuffiup Namminersorlutik Oqartussat kulturikkut aningaasaliissutigisartagaanni akulerunneqartarsinnaanersoq eqqarsaatigalugu.

Naalackersuisut isumagaat Eqqumiitsuliornikkut Pinngorartitsisut Ingerlatsisullu annertunerusumik Naalackersuisunit isumasioqatigisartakkatut siunissami inissimalersinnaasut, kulturikkut politikkimut tunngassutilinni apeqqutini, qaninnerusumik kulturikkut ingerlatsisunut attaveqartuummata.

Inussiarnersumik inuulluaqqusilluta


Vivian Motzfeldt